





石倉十二代詩選

唐卷之八十四

晚唐

明候官曹學佺閱

方干

字希飛  
新安人

寄李頻

衆木已搖落望君猶未還  
軒車在何處雨雪滿前山  
思苦文星動鄉遙釣渚閒  
明年見名姓惟我獨何顏

東溪別業寄段郎中

前山含遠翠羅列在窗中  
盡日人不到一樽誰



歷代詩選 卷之十  
與同涼隨蓮葉雨暑避柳條風豈分長岑寂明  
時道豈窮

懷州客舍

誤飲覃懷酒誰知滯去程朝昏太行色坐卧沁  
河聲白道穿秦甸嚴輦似戍城隣雞莫相促遊  
子自晨征

中路寄喻鳧

求名如未遂白首亦難歸送我樽前酒與君身  
上衣寒蕪隨楚盡落葉渡淮稀莫歎干時晚前

心豈便非

送趙明府還北

故林終不任劔鶴在扁舟盡室無餘俸還家得  
白頭鐘催吳岫晚月照渭河流曾是棲安邑恩  
期異日酬

夏日登靈隱寺後峰

絕頂無煩暑登臨三伏中深蘿難透日喬木更  
含風山疊雲霞際川傾江海東那知茲夕興不  
與古人同



聽新蟬寄張畫

細聲頻斷續審聽亦難分  
髣髴應移處從容却不聞  
蘭栖朝咽露樹隱暝吟雲  
莫遣鄉愁起吾懷祇似君

送姚舒下第遊蜀

蜀路何迢遞憐君獨去遊  
風煙連北虜山水別東甌  
九折盤荒坂重江遶漢州  
臨邛一壺酒能浣長卿愁

旅次錢塘

此地似鄉國堪爲朝夕吟  
雲藏吳相廟樹引越山禽  
潮落海人散鐘遲秋寺深  
我來無舊識惟見寂寥心

送相里燭

相逢未卜期相送定何之  
不得長年少那堪遠別離  
泛湖乘月早踐雪過山遲  
永望多時立翻如在夢思

君不來

開花未零落心緒已紛紛  
久客無人見新禽何



歷代詩選 唐詩 三  
處聞舟隨一水過路出萬山分夜坐生愁望孤  
光必照君

金州客舍

淹薄羣峰暮蕭條未掩關江流嶓冢雨路入漢  
皇山落葉欹眠後孤砧倚望間此情偏耐醉難  
遣酒壘閒

途中逢孫輅因得李頻消息

潮上寒仍在柔條亦自新山河雖度臘雨雪未  
知春正憶同袍者堪逢共國人銜杯益無語與

爾轉相親

送從兄郜

道路本無限又應何處逢流年莫虛擲華髮不  
相容野渡波搖月寒城雨翳鐘此心隨去鳥迢  
遞過重峰

送許溫

壯歲分益切髫年心卽同當聞千里去難遣一  
樽空翳燭蒹葭雨吹帆橘柚風明年見親族喜  
集在懷中



鏡中別業

寒山壓鏡心此處是家林  
梁燕窺春醉巖猿學夜吟  
雲連平地起月向白波沈  
猶自聞鐘角栖身可在深

又

世人如不容吾自縱天  
慵落葉憑風掃香秔倩  
水春花朝連郭霧雪後  
隔湖鐘身外能無事頭  
宜白此峰

經周處士故居

愁吟與獨行何事不傷情  
久立釣魚處惟聞啼鳥聲  
山蔬和草嫩江柳入籬生  
吾在茲溪上恨君懷不平

贈喻鳧

所得非衆語衆人那得知  
纔吟五字句又白幾莖  
髭月閣欹眠夜霜軒正  
坐時此時心更苦恐作  
滿頭絲

涵碧亭

高低竹雜松積翠復畱風  
路劇陰溪裏寒生暑



歷代詩選 唐詩 卷八十四 五  
氣中閒雲低覆草片水靜涵空方見洋源牧心  
伴造化工

除夜一首

永懷難自問此夕衆愁與曉韻侵春角寒光隔  
歲燈心燃一寸火淚結兩行冰煦育誠非遠陽  
和又欲昇

題碧溪山禪老

師步有雲隨師情惟鶴知蘿迷收木路雲隔出  
溪時竹欲窺沙井巖禽立檜枝由來傲卿相卧

隱答書遲

送鏡空上人遊江南

去住如雲鶴飄然不可留何山逢隻履一食在  
孤舟細雨蓮塘晚踈蟬隔岍秋應懷舊溪月夜  
過石窗流

新正

筆門惆悵久時節暗來頻每見新正雪長思故  
國春雲西斜去雁江上未歸人苦憶年爲客何  
媒得到秦



贈雪竇僧家

登寺尋盤道人煙遠更微石窗秋見海山靄暮  
侵衣衆木隨僧老高泉盡日飛誰能厭軒冕來  
此便忘機

贈碼礪山禪者

蒨草不停獸因師山更靈村林朝乞食風雨夜  
開扇井味兼松粉雲根着淨鉢塵勞如醉夢對  
此暫能醒

酬故人陳父都

遠別那無夢重遊自有期半年鄉信到兩地素  
心知坐久吟移調更長硯結澌文人才力薄終  
怕阿戎知

閏月

暮暮復蒼蒼微和傍早陽前春寒已盡待閏日  
猶長柳變雖因雨花遲豈爲霜自茲延聖曆誰  
不駐年光

東溪言事寄子舟

日月晝夜轉老年難駐留軒窗纔過雨枕簟卽



歷代詩選 卷八十四  
知秋天際雁行出溪中虹影收惟君壯心在應  
笑卧滄洲

暮發七里灘夜泊嚴光臺下

一瞬卽七里箭馳猶是難檣邊走嵐翠枕底失  
風湍但訝猿鳥定不知霜月寒前賢竟何益此  
地誤垂竿

卽州處州洞溪

氣象四時清無人畫得成衆山寒疊翠兩派瀑  
分聲坐月何曾夜聽松不似晴泥元融結後便

有此溪名

稱心寺中島

水木深不極似將星漢連中州惟此地上界別  
無天雪折停猿樹花藏浴鶴泉師爲終老意日  
日復年年

寄普州司倉賈島

亂山重復疊何路訪先生豈料多才者空垂不  
世名閒曹猶得醉薄俸亦勝畊莫問吟詩苦年  
年芳草平



贈中岳僧

坐來叢木大誰見入巖年多病長留藥無憂亦  
是禪搯牀移片石春粟引高泉盡願求心法逢  
誰擬即傳

遊竹林寺

得路到深寺幽虛曾識名蘚濃陰砌古煙起暮  
香生曙月落松翠石泉流梵聲聞僧說真理煩  
惱自然輕

白艾原客

原上桑柘瘦再來還見貧滄洲幾年隱白髮一  
朝新敗葉平空塹殘陽滿近隣開言說知已半  
是學禪人

朔雁

寥寥落何處一夜過胡天送苦秋風外吹愁白  
髮邊望鄉皆下淚久戍獨無眠寂寞空沙曉開  
眸片月懸

冬夜泊僧舍

江東寒近臘野寺水天昏無酒能消夜隨僧早



歷代詩選 唐才子  
閉門照牆燈焰細着瓦雨聲繁漂泊仍千里清  
吟欲斷魂

新秋獨夜寄戴叔倫

遙夜獨不卧寂寥庭戶中河明五陵上月滿九  
門東萬里親朋散故園滄海空歸懷正南望此  
夕起秋風

送沛縣司馬丞之任

舉酒一相勸逢春聊盡歡羈遊故交少遠別後  
期難路上野花發雨中青草寒悠悠兩都夢小

沛與長安

送盧評事東歸

萬里楊柳色出關隨故人輕煙覆流水落日照  
行塵積夢江湖濶憶家兄弟貧徘徊灞橋上不  
語共傷春

清明日送鄧芮還鄉

鐘鼓喧離室車徒促夜裝曉榆新變火輕柳暗  
翻霜轉鏡看華髮傳杯語故鄉每嫌兒女淚今  
日自沾裳



歷代詩選 卷八十四 十一  
江州送李侍御歸東洛

獨乘驄馬去不金旅人還中外名卿貴田園高  
步閒暮春經楚縣新月上淮山道路空瞻望軒  
車不敢攀

收兩京後還上都兼訪一二親故

離堂千里客歸騎五陵人路轉函關晚燿開上  
苑新天涯將野服闕下見鄉親問得存亡事裁  
書寄海濱

湖南使院遣情送江夏賀侍郎

雲雨一消散悠悠關復河俱從泛舟後遂隔洞  
庭波楚水去不盡秋風今更過無由得相見却  
恨寄書多

汝南過訪田評事

移家近漢陰不復問華簪買酒宜城遠燒田夢  
澤深暮山逢鳥入寒水見魚沈與物皆無累終  
年愜本心

送王信翁登科後歸江東

南行無俗侶秋雁與寒雲野性自深愜鄉居人



歷代詩選 卷八十四  
其聞吳山中道斷浙水半江分此地登臨慣含  
情一送君

送饒州王司法之任兼寄朱處士

莫愁還作吏且喜速廻車留醉悲殘歲含情寄  
遠書共看衰老近轉覺宦名虛遙想清溪畔幽  
人得自如

殘秋送友

早爲千里別况復是秋殘木葉怨先老江雲愁  
暮寒交情如水澹離酒泛杯寬料想還家後休

吟行路難

客行

藕葉綴爲衣東西泣路岐鄉心日落後身計酒  
醒時觸目多添感凝情足所思羈愁難盡遣行  
坐一低眉

山中卽事

趨世非身事山中適性情野花多異色幽鳥少  
凡聲樹影搜涼卧苔光破碧行閒尋採藥處仙  
路漸分明



秋夜

殘砧驚睡醒欹枕已三更夢破寂寥思燈殘零  
落明空窗閑月色幽壁靜蟲聲况是離鄉久依  
然無限情

送剡縣陳永秩滿歸越

俸祿三年後程途一月間舟中非客路鏡裏是  
家山密雪霑行袂叢杯變別顏古人惟賀滿今  
挈解由還

示鄉叟

暮齒甘衰謝逢人惜別離青山前代業老樹此  
身移買藥將衣盡尋芳見字遲如何鑷殘鬢覽  
鏡變成絲

送姚合員外赴金州

受詔從華省開旗發帝州野煙新驛曙殘照古  
山秋樹勢連巴沒江聲入楚流惟應行化後吟  
句上雲樓

山中寄吳礪十韻

莫問終休否林中事已成盤餐憐火種歲計付



刀耕掬水皆花氣聽松似雨聲書空翹足卧避  
 險側身行果傍閒軒落蒲連濕听生禪僧知見  
 理妻子笑無名更擬教詩苦何曾待酒清石溪  
 魚不大月樹鵲多驚砌下通樵路窗間見縣城  
 雲山任重疊難隔故交情

鏡湖西島言事寄陶校書

樵獵兩三戶凋疎是近隣風雷前壑雨花木後  
 巖春文字不得力桑麻難救貧山禽欺稚子夜  
 犬吠漁人未必聖明代長將雲水親知音不延

薦何路出泥塵

除夜一首

玉漏斯須欲報晨四時吹轉任風輪寒燈短燼  
 方燒臘畫角新聲已報春明日便為經歲客昨  
 朝猶是少年人新正定數隨年減浮世惟應百  
 徧新

書桃花塢周處士壁

醉吟雪月思深苦思苦神勞新髮生自學古賢  
 脩靜節惟應野鶴識高情細泉出石飛難盡孤



竹和雲濕不鳴何事懶于嵇叔夜更無書札答  
公卿

題桐廬謝逸人江居

少小高眠無一事五侯勳盛欲如何湖邊倚竹  
寒吟苦石上橫琴夜醉多鳥自樹梢隨果落人  
從窗外卸帆過由來朝市為空憶可要棲身向  
薜蘿

送人宰永泰

今永泰福縣

北人雖泛南來水稱意南行莫恨賒道路先經

毛竹嶺風煙漸近刺桐花舟停漁浦猶為客縣  
入樵溪似到家下馬政成王事少應容閩吏日  
高衙

荊山贈洪拾遺

荊山亦在荊州

聖代諫臣停諫舌求歸故里傲雲霞溪頭講樹  
纜漁艇篋裏朝衣輸酒家但愛身閒辭祿俸那  
嫌歲計在桑麻我來幸與諸生異問答時容近

絳紗

絳紗亦在荊州

幸貝贈處州段郎中

幸貝亦在荊州



幸見仙才領郡初，郡城孤峭似仙居。  
 杉蘿色裏登臺閣，瀑布聲中閱簿書。  
 德重自將天子合，情高元與世人疎。  
 寒潭是處清連底，賓席何心望食魚。  
 聖外書法華寺上方禪壁里，對雲霞對  
 砌下松巔有鶴棲。孤猿亦在鶴邊啼，  
 卧聞雷雨歸巖早，坐見星辰去地低。  
 一逕穿緣應就郭，千花掩映似無溪。  
 是非生死多憂惱，此日蒙師爲破迷。

陪王大夫泛湖

去去陵晨迥見星，木蘭舟穩畫橈輕。  
 白波潭上魚龍氣，紅樹林中雞犬聲。  
 密炬燒殘銀漢昃，羽觴飛急玉山傾。  
 此時簡點諸名士，却是漁翁無姓名。

贈會稽張少府

高節何曾似任官，藥苗香潔備常餐。  
 一分酒戶添猶得，五字詩名動卽難。  
 笑我無媒生鶴髮，知君有意借魚竿。  
 明年莫便還家去，鏡裏雲山且



共看

湖北有茅齋湖西有松島輕棹往返頗諧

素心因成四韻香案常焚一合函

湖北湖西往復還朝昏只處自由間暑天移榻  
就深竹月夜乘舟歸淺山遶砌紫鱗歌枕釣垂  
簷野果隔窗攀古賢暮齒方如此多笑愚儒髮  
未斑

山中言事

歌枕亦吟行亦醉卧吟行醉更何營貧來尚有

故琴在老去不過新髮生山鳥踏枝紅果落家  
童引釣白魚驚潛夫自是孤雲侶可要王侯識

姓名

山中言事

日與村家事漸同燒松啜茗學隣翁池塘月撼  
芙蓉浪窗戶涼生薜荔風書幌晝昏嵐氣裏巢  
枝夜折雪聲中山陰釣叟無知己窺鏡擣多髮

欲空

香題陶詳校書陽羨隱居



芸香署裏從容步陽羨山中嘯傲情  
 竿底紫鱗輸釣伴花間白犬吠流鶯  
 長潭五月含冰氣孤檜中宵學雨聲  
 便泛扁舟應未得鴟夷棄相始垂名  
 吳窗月夜生蕪風書到畫君嵐岸裏  
 日與與鄉人鑿休上人別茶學剡餘  
 此日因思話鄉里故鄉風土我偏諳  
 一枝竹葉如溪北半樹梅花似嶺南  
 山夜獵徒多信犬雨天村舍未催蠶  
 如今休作還家意兩鬢垂絲已不堪  
 玉手去不覺離髮半山高都道正東  
 家

寄江陵王少府

熱飲寄江陵王少府  
 灑然奔雲水吹東飛燕去  
 分手頻曾變寒暑迢迢遠意各何如  
 波濤一阻兩鄉夢歲月無過雙鯉魚  
 吟處落花藏筆硯睡時風雨濕圖書  
 比來俗輩皆踈我惟有故人心不踈

于秀才小池

于秀才小池  
 一泓潏灩復澄清半日工夫斲小庭  
 占地未過三五尺浸天惟入雨三星  
 鷓舟草際浮霜葉漁父沙邊駐小螢  
 纔見規模試方寸知君立意在



滄溟

登新城縣贈蔡明府

楊震東來是宦遊  
政城登此自消憂  
草中白道穿村去  
樹裏青溪照郭流  
縱目西山宜永日  
開襟五月似高秋  
不知縣籍添新戶  
但見川原桑柘稠

敘錢塘異勝

暖景融融寒景清  
越臺風吹曉鐘聲  
四郊遠火燒煙月  
一道驚波撼郡城  
夜雪未知東岬綠  
春

風猶放半江晴  
謝公吟處依稀在  
千古無人繼盛名

送吳彥榮赴舉

用心精至自無疑  
千萬人中似汝稀  
上國纔將五字去  
全家便待一枝歸  
西陵柳路搖鞭盡  
北固潮程挂席飛  
想見明年榜前事  
當時分散著萊衣

送晉陵王少府赴舉

相看不忍盡離觴  
五兩牽風速去檣  
遠驛新砧



歷代詩選 唐方干  
應弄月初程寒角未吹霜越山直下分吳苑淮  
水橫流入楚鄉珍重鄰家好兄弟明年分理在  
何方

固態和于中丞登扶風亭  
避石攀蘿去不迷行時舉步似丹梯東軒海日  
已相照下界晨雞猶未啼郭裏雲山全占寺村  
前竹樹半藏溪謝公吟望多來此此地應將峴  
首齊

風仙陽亭言事獻漳州于使君

重疊山前對酒樽騰騰兀兀度朝昏  
白雲寺遙夜孤砧紅葉村去鳥豈知煙樹遠驚  
魚應覺露荷翻旅人寄入逢黃菊每見北人思  
故園

容芬題越州袁秀才林亭

清邃林亭指畫開幽巖別派象天台坐牽蕉葉  
題詩句卧看藤花落酒杯白鳥不歸山裏去紅  
鱗多向鏡中來終年此地爲吟侶早起尋君薄  
暮回



題長洲陳明府小亭

坐看孤峭却勞神  
還是微吟到日曛  
松鶴認名呼得下  
沙蟬飛處隔猶聞  
夜來亦似深山月  
雨後惟關滿屋雲  
便此迢遙應不易  
朱衣紅旆未容君

劉園郭中山居

莫見飄離樹上猶  
須四壁在林間  
沈吟不寐先聞角  
屈曲登高自有山  
濺口迸泉聽未足  
亞窗紅果卧堪攀  
公卿莫便遺名姓  
却與禽魚作往還

往還

思江南

昨日草枯今日生  
羈人又動望鄉情  
夜來有夢尋歸路  
不到桐廬已及明

君不來

曹卷之八十四

遠路東西欲問誰  
寒來無處寄寒衣  
去時初種庭前樹  
樹已勝巢人未歸

經李羣玉故居

許直上書難遇  
主銜冤下世未成翁  
琴樽劍鶴



誰將去惟鍊山齋一樹風世未及余琴聲似鶴

別孫蜀王姑蘇

吳越思君意易傷別君添我髮邊霜由來浙水

偏堪恨截斷千山作兩鄉歲暮寒天去却歸蘇

石倉十二代詩選

唐卷之八十四 終

石倉十二代詩選

唐卷之八十五

晚唐

明候官曹學佺閱

李羣玉

字文山  
澧州人

烏夜啼

層波隔夢渚一望青楓林有鳥在其間達曉自  
悲吟是時月黑天四野煙雨深如聞生離哭其  
聲痛人心悄悄夜正長空山響哀音遠客不可  
聽坐愁華髮侵既非蜀地魂恐是恒山禽四子  
各分散母聲猶至今



昇仙操

羸女去秦宮  
瓊笙飛碧空  
鳳臺閉煙霧  
鸞吹飄天風  
復聞周太子  
亦遇浮丘公  
叢簧發天弄  
輕舉紫霞中  
濁世不久住  
清都路何窮  
一去霄漢上  
世人那得逢

愁怨

瑟瑟涼海氣  
西來送愁容  
金風死綠蕙  
玉露生寒松  
所思在溟碧  
無因一相逢  
登樓睇去翼  
日盡滄波重  
虛窗度流螢  
斜月啼幽蛩  
踈紅落殘

艷冷水凋芙蓉  
歲暮空太息  
年華逐遺踪  
凝情耿不寐  
攬涕起踈慵

感春

春情不可狀  
艷艷令人醉  
暮水綠楊愁  
深窗落花思  
吳宮新暖日  
海燕雙飛至  
愁思逐煙光  
空濛滿天地

湘中古愁二首

涼風西海來  
直渡洞庭水  
條條木葉下  
白浪連天起  
蘅蘭委皓雪  
百草一時死  
摧殘負志人  
感



歎何窮已

昔我觀雲夢窮秋經汨羅靈均竟不返怨氣成  
微波奠桂開古祠朦朧入幽蘿落日瀟湘上淒  
涼吟九歌

我思何所在

我思何所在乃在陽臺側良宵相望時空觀明  
月色歸魂泊湘雲飄蕩去不得覺來理舟楫波  
浪春湖白煙光浩楚秋瑤草不忍摘因書天末  
心繫此雙飛翼

感興

洞房三五夕金缸凝焰滅美人抱雲和斜倚紗  
窗月沈吟想幽夢闋思深不悅絃冷玉指寒含  
顰達明發

送人之峽

東吳有賦客願識陽臺仙彩毫飛白雪不減郢  
中篇楚水五月浪輕舟入暮煙巫雲多感夢桂  
楫早回旋



歷代詩選 唐李羣玉  
水國發爽氣川光靜高秋酣歌金樽醪送此清  
楓愁楚色忽滿目灘聲落西樓雲翻天邊葉月  
弄波上鉤芳意長搖落衡蘭謝汀洲長吟碧雲  
合悵望江之幽

登章華樓

楚子故宮地蒼然雲水秋我來覽從事落景空  
生愁霸業沒荆棘雄圖成古丘沈吟問鼎語但  
見東波流征鴻引鄉心一夫何悠悠晴湖碧雲  
晚暝色空高樓迢遞趨遠嶠微茫入孤舟空路  
不堪望西風白浪稠

湘西寺霽夜

雨過瑤璃宮佳興浩清絕松風冷晴灘竹路踏  
碎月月波蕩如水氣爽星朗滅皓皎千樹寒峰  
嶻萬巖雪後山鶴唳斷前池荷香發境寂涼夜  
深神思空飛越

送鄭京昭之文安

金山製湘書並五日  
君吟高唐賦路過巫山渚莫令巫山下幽夢惹  
雲雨往事幾千年芬芳今尚傳空畱荆王館巖



嶂深蒼然楚水五月浪輕舟入蘋煙送君揚楫  
去愁絕郢城篇

法華微上人盛話金山境勝舊遊在日吟

采輻思成此篇

江上青蓮宮人閒蓬萊島煙霞與波浪隱映樓  
臺好潮門梵音靜海天日光早願與靈鷲人吟  
經此終老

洞庭入澧江寄巴丘故人

四月桑半枝吳蠶初弄絲江行好風日燕舞輕

波時去事旋成夢來歡難預期惟憑東流水日

夜寄相思

木芙蓉漢陽春曉

漢陽抱青山飛樓映湘渚白雲蔽黃鶴綠樹藏

鸚鵡憑高送春日流恨傷千古遐思爾衡才令

人怨黃祖

別尹鍊師

吾家五千言至道懸日月若非函谷令誰註流

沙說多君飛昇志機悟獨超拔學道玉笥山燒

詳



歷代詩選 卷八十五  
丹白雲穴南窮衡嶷秀採藥歷幽絕夜卧瀑布  
風朝行碧巖雪洞宮四百日玉籍恣探閱徒以  
菌蟪姿緬攀脩真訣塵籠罩浮世遐志空飛越  
一罷棋酒歡離情滿寥泝愿騎紫蓋鶴早向黃  
金闕城市不可留塵埃穢仙骨

送魏珪觀

木落楚色深風高浪花白送君飛一葉鳥逝入  
空碧倚歎白華秀傷心倚門夕不知雲漲遙萬  
里看咫尺蕭蕭清楓岍去掩江山宅離觴有黃

花節物助淒戚瀟湘入濡桂一路縈水石煙蘿  
拂行舟玉瀨鏘枕席多君林泉趣耽翫日成癖  
長嘯凌清輝襟情當空滌登龍屈指內飛雨甚  
籍籍未折月中枝寧隨宋都鵬日余吞聲地舉  
足傷尾磔見爾一開顏溫明乃珠璧春風到雲  
嶠把酒時相憶荳蔻花入船鷓鴣啼送客颺天  
與嶂海此去備沿歷珍重春官英加餐數刀帛  
洞庭遇秋

塵愁老來顏久與江上隔迤遙登湖上洗眼見



秋色涼波弄輕棹湖月生遠碧未減遙客情西  
望杳何極

寄短書歌

骨肉萍蓬各天末十度附書九不達孤臺冷眼  
無來人楚水秦天莽空濶翔雁橫秋過洞庭西  
風落日浪崢嶸三年音信疑顰外一曲哀歌白  
髮生

醒起獨酌懷友

西風靜夜吹蓮塘芙蓉破紅金粉香摘花把酒

弄秋芳吳雲楚水愁茫茫美人此夕不入夢獨  
宿高樓明月涼

初月

灑灑流光淺娟娟泛露輕雲間龍瓜落簾上玉  
鈎明桂樹枝猶小仙人影未成欲為千里別倚  
幌獨含情

又

凝顰立戶前細魄向娟娟破鏡徒相問刀頭恐  
隔年輕輕搖遠水脉脉下春煙別後春江上隨



人何處圓

雲安

灘惡黃牛吼城孤白帝秋水寒巴字急歌迴竹

枝愁樹倚荆王館雲昏蜀客舟瑤姬不可見行

雨在高丘

湖濶

楚色籠青草秋風洗洞庭夕霏生水寺初月落

雲汀棹響來空濶漁歌發杳冥欲浮闌下艇一

到斗牛星

真曲失鶴

瑤臺煙霧外從昔有遐心暗海蓬壺淺晴霄碧

落深隙翎留片雪雅操入孤琴不是籠中物雲

蘿更莫尋

臘夜霽雪月彩交光開閣臨軒竟睡不得

命家僕吹笙數曲獨引一壺奉寄江陵

副使杜中丞

月華臨霽雪皓彩射貂裘桂酒寒無醉銀笙凍

不流懷哉梁苑客思作剡溪遊竟夕吟瓊樹川



途恨阻脩

長沙陪裴大夫登北樓

巖嶂隨高步琴樽奉勝遊金風吹綠簟湘水入

朱樓朗抱雲開月高情鶴見秋登臨多暇日非

為賦消愁

登蒲澗寺後二巖

五仙騎五羊何代降茲鄉澗有堯年韭山餘禹

日糧樓臺籠海色草樹發天香浩笑波光裏浮

溟典入長

且結旅泊

搖落江天裏飄零倚客舟短篇纔遣悶小釀不

供愁沙雨潮痕細林風月影稠書空閒度日深

擁破貂裘

晚蓮

露冷芳意盡稀疎空碧荷殘香隨暮雨孤蘂綻

寒波楚客罷奇服吳姬停櫂歌涉江無可寄幽

恨竟如何

廣江驛餞筵留別鄭文雨寒麻木海嶽萬



別筵欲盡秋一醉海西樓夜雨寒潮水孤燈萬  
里舟酒飛鸚鵡重歌送鷓鴣愁惆悵三年客難  
期此處遊

桑落洲

九江寒露夕微浪北風生浦嶼漁人火蒹葭鳧  
雁聲顏雲晦廬岳微鼓辨溢城遠憶天邊第那

從此路行

杜門

且詠閒居賦飛翔去未能春風花嶼酒秋雨竹

溪燈世路繼陵谷時情驗友朋達生書一卷名

利付春水

池州封員外郡齋雙鶴丹頂霜翎仙態浮

瀟灑二白鶴對之高興清寒溪侶雲水朱閣伴

琴笙顧慕栢梁惠超遙江海情應携帝鄉去仙

闕有飛鳴

九日陪崖上大夫宴清河亭

玉醴浮金菊雪亭敞玳筵青山低畫浦斜雁遠



書天謝眺離都日殷公出守年不知瑤水讌誰

和白雲篇 劉崇大夫宴青溪亭

關中 桂州經佳久故居

種樹人何在攀枝空歎嗟人無重見日樹有每  
年花滿院雀聲暮半庭春景斜東風不知恨徧  
地落餘霞

中秋廣江驛示韋益

莫惜三更坐難消萬里情同看一片月俱在廣  
州城淚逐金波滿魂隨夜鶴驚支願鄉思斷無

語到雞鳴

長沙開元寺昔與故長林許侍御題松竹

聯句

牆陰數行字懷舊慘傷情薜荔侵年月莓苔壓  
姓名逝川前後水浮世短長生獨立秋風暮凝  
輦隔郢城

湖閣曉晴寄呈從翁

嶺日開寒霧湖光蕩霽華風鳥搖徑柳水蝶戀  
幽花蜀國地西極吳門天一涯輕舟欄下去點



點入湘霞

遊玉芝觀

尋仙向玉清獨倚雪初晴木落寒郊迴煙開疊  
嶂明片雲盤鶴影孤磬雜松聲且共探玄理歸  
途月未生

經費冠卿舊隱

雲卧竟不起少微空隕光惟應孔北海爲立鄧  
公鄉舊館苔蘚合幽齋松菊荒空餘書帶草日  
日上階長

長沙春望寄涪陽故人

清明前後雨晴時極浦空顰一望睂湖畔春山  
煙點點雲中遠樹墨離離依微水戍聞鼙鼓掩  
映沙村見酒旗風暖草長愁自醉行吟無處寄  
相思

金塘路中

山連楚越復吳秦蓬梗何年是住身黃葉黃花  
古城路秋風秋雨別家人水霜遠度商顏凍桂  
玉愁居帝里貧十口繫心拋不得每迴回首卽



長輦  
古如湘陰江亭寄友人  
湘听初晴淑景遲  
風光正是客愁時  
幽花夜落  
騷人浦芳草初生  
帝子祠往事隔年如過夢  
舊遊回首謾追思  
煙波自此扁舟去  
小酌文園杳  
未期  
銀章朱紱照雲驄  
六換魚龍惠化崇  
瑤樹忽傾  
滄海裏醉鄉翻在夜臺中  
東山妓逐飛花散  
北

海樽隨逝水空曾是綺羅筵上客  
一來長慟向

春風

九日巴丘楊公臺上宴集

淒淒霜日上高臺  
水國秋深客思哀  
萬疊蒼山  
寒浪起一行斜字  
早鴻來誰家  
搗練秋城暮  
何處題衣遠信回  
江漢路長身不定  
菊花三笑旅  
萍開

寄張祐

越水吳山任興行  
五湖雲月挂高情  
不遊都邑



稱平子只向江東作步兵昔歲芳聲到童穉老  
來佳句徧公卿如君文采波瀾地留比陰何沈  
范名

和吳中丞悼笙妓

麗質仙姿煙逐風鳳凰聲斷吹臺空多情草色  
怨還綠無主杏花春自紅墮珥尚存芳樹下餘  
香漸減玉堂中惟應去抱雲和管從此長歸阿  
姥宮

九子坡聞鷓鴣

落照蒼茫秋草明鷓鴣啼處遠人行正穿屈曲  
崎嶇路更聽鈎輈格磔聲曾泊桂江深听雨亦  
干梅嶺阻歸程此時爲爾腸千斷乞放今宵白  
髮生

長沙紫極宮雨夜愁生

獨坐高齋寒擁衾洞宮臺殿宵沈沈春燈合思  
靜相伴夜雨滴愁更向深窮達未知他日事是  
非皆到此時心羈縻摧剪平生志抱膝時爲梁  
父吟



歷代詩選 唐李羣玉 十四

江樓閒望懷關中親故

搖落江天欲盡秋  
遠鴻高送一行愁  
音書寂絕秦雲外  
身世蹉跎楚水頭  
年貌暗隨黃葉去  
時情深付碧波流  
風淒日冷江湖晚  
駐目寒空獨倚樓

醉後贈馮姬

黃昏歌舞促瓊筵  
銀燭臺西見小蓮  
三寸橫波回慢水  
一雙纖手語香絃  
桂枝淺拂梁家黛  
瓜字初分碧玉年  
願托襄王雲雨夢  
陽臺今夜降

神仙

稜陵懷古

野花黃葉舊吳宮  
六代豪華燭散風  
龍虎勢盤佳氣歇  
鳳皇名在故臺空  
市朝遷變秋蕪綠  
墳塚高低落照紅  
霸業鼎圖人去盡  
獨來惆悵水雲中

黃陵廟

小姑洲北浦雲邊  
二女容華自儼然  
野廟向江春寂寂  
古碑無字草芊芊  
東風迎墓吹芳芷  
落



月深山哭杜鵑猶似含顰望巡符九疑如黛隔

湘川

青鷁

獨立蒹葭雨低飛浦嶼風須知毛色下莫入鷺

鷺叢

客愁

客愁看柳色日日逐春深浩蕩春風起誰知歷

亂心

古詞

一合相思淚臨風灑素秋碧波如會意却與向

西流

公二寄韋秀才

荆臺蘭渚客寥落共含情空館相思夜孤燈照

雨聲

樂和題竹

一頃含秋綠森風十萬竿氣吹朱夏轉聲掃碧

霽寒

韞木寄友



野水晴山雪後時，獨行村落更相思。  
無因一向溪頭醉，處處寒梅映酒旗。

一與紫極宮齋後，十萬羊羣如未夏。  
轉輦華嚴紫府空，歌碧落寒曉。  
星寥亮，月光殘，一羣白鶴高飛上。  
惟有松風吹石壇。

麻臺喜渾吉見訪，共合翻空翰墨思。  
交孤嶽深公子春山桂水香，遠衝飛雪過書堂。  
貧家冷落難消日，惟有松筠滿院涼。

一合題王侍御宅

門向滄江碧岫開，地多鷗鷺少塵埃。  
綠陰十里灘聲急，閒自王家看竹來。

送客

沅水羅文海燕回，柳條牽恨到荆臺。  
定知行路春愁裏，故郢城邊見落梅。

黃陵廟

黃陵廟前莎草春，黃陵女兒茜裊新。  
輕舟短棹唱歌去，水遠山長愁殺人。

小雨北亭

李羣玉

卷八十五

二

合



小雨飛絲織晚空疎簾半捲野亭風荷花開盡  
秋光晚零落殘紅綠沼中

黃麥秋登澤陽城黃刻女兒茜葉薄舞飛賦執

萬戶砧聲水國秋涼風吹起故鄉愁行人望遠  
偏傷思白浪青楓滿北樓

武水南庄春晚回峰新率州匪燕臺空映竹

草暖沙長望去舟微茫煙浪向巴丘沅江寂寂  
春歸盡水綠蘋香人自愁

蘇拯

寄遠

遊子雖惜別一去何時見飛鳥時戀巢萬里亦  
何遠妾願化為霜日日下河梁若能侵髮色先  
染薄情郎暮秋莫恨懣懣不問青平報自樂

衛鶴臺

築臺非為賢獨聚乘軒鶴六馬不能馭九臯欲  
何託一旦敵兵來萬民全隕獲如何警露禽不  
似銜環雀微物倘悞人眾類皆成惡至今臺基  
上飛鳥不至泊



馬嵬坡

一從殺貴如春來花無意此地縱千年土香猶  
自異寵既出常情辱豈同常理一等異于眾傾  
覆皆如此

漁人臺

垂竿朝與暮披蓑卧橫楫不問清平時自樂滄  
波業長畏不得閒幾度避遊畋當晒釣臺上逃

名名却傳

山中道者

筇杖六尺許坐石流泉所舉頭看古松似對仙  
鶴語是時天氣清四迥無塵侶願我笑相迎一  
振丹砂羽

古塞

百戰已休兵塞雲愁未歇血染長城沙馬踏征  
人骨早得用蛾眉免陷邊戍卒始知髦頭星不  
在彎弓沒

金谷園

積金累作山高與冰山似栽花比綠珠花落人



亦墜徒有敵國富不能買東市徒有絕世容不能樓上死令人登高樓興歎在平地

思婦吟

秋風雁又歸邊信一何早攬衣出門望葉滿長安道一從秉箕帚十載孤懷抱可堪日日醉蒲桃不說思君令人老

聞猿

秋風颯颯猿聲起客恨猿悲一相似祇向孤危傷客心何曾解入笙歌耳

儲嗣宗

南坡遠望

閒門橫古塘紅樹已驚霜獨立望秋草野人耕夕陽孤煙起蝸舍飛鷺下漁梁惟有田家事依似故鄉

宿玉簫宮

塵飛不到空露濕翠微宮鶴影石橋月簫聲松殿風綠毛辭世女白髮入壺翁借問燒丹處桃花幾徧紅



晚眺徐州延福寺

彩風振旅塵晚景藉芳茵  
片水明在野萬花深  
見人靜依歸鶴思遠惜舊山  
春今日惜携手寄  
懷吟白蘋

宿甘棠館

塵跡入門盡悄然  
江海心水聲巫峽遠  
山色洞庭深  
風樹落寒子嵐煙凝夕陰  
前軒鶴歸處蘿  
月思沈沈

秋夜行船

扁舟時屬暝  
月上有餘輝  
海燕秋還去  
漁人夜不歸  
中流何寂寂  
孤棹夜依依  
一點前村火  
誰家未掩扉

別至弘上人

最稱弘偃少  
早歲草茅居  
年老從僧律  
生知解佛書  
衲衣求壞帛  
野飯拾春蔬  
章句無求斷  
詩中學有餘

送李端

故園衰草徧  
離別正堪悲  
路出塞雲外  
人歸暮



雪時少孤爲客早多難惜君遲掩泣空相憶風塵何所期

孤雁

孤雁暮飛急蕭蕭天地秋關河正黃葉消息斷青樓湘渚煙波遠驪山風雨愁此時萬里道魂夢遶滄洲

贈隱者

盡室居幽谷亂山爲四隣霧深知有術窗靜似無人鶴語松上月花明雲裏春生涯更何許尊

酒與垂綸

早春懷薛公裕

幽獨自成愚柴門日漸蕪陸機初入洛孫楚正遊吳失意怨楊柳異鄉聞鷓鴣相思復相望春草滿南湖

送友人遊吳

吳山清楚吟草色異鄉心一酌水邊酒數聲花下琴登樓舊國遠探穴九疑深更想逢秋節那堪聞夜砧



經故人舊居

萬里訪遺塵鶯聲淚濕巾古書無主散廢宅與  
山鄰宿草風悲夜荒村月弔人淒涼問殘柳今  
日爲誰春

吳宮

荒臺荆棘多忠諫沒如何細草迷宮巷閒花悞  
綺羅前溪徒自綠子夜不聞歌悵望清江暮悠  
悠東去波

聖女祠

石屏苔色涼流水遶祠堂巢鵲疑天漢潭花似  
鏡妝神來雲雨合俗奠蕙蘭香不復聞雙佩山  
門空夕陽

送顧陶校書歸錢塘山

清苦月偏知南歸瘦馬遲囊輕緣換酒髮白爲  
吟詩水色西陵渡松聲伍相祠聖朝思直諫不  
是挂冠時

登蕪城

昔人登此地丘壠已前悲今日又非昔春風能



幾時

滄浪峽

滄浪臨古道道上石成塵自有滄浪峽誰為無事人

垓城

百戰未言非孤軍驚夜圍山河意氣盡淚濕美人衣

和茅山高拾遺憶山中雜題山泉一首山

香味清機仙府回縈紆亂石便流杯春風莫汎

桃花去恐引漁人入洞來

胡山

犬入五雲音信絕鳳樓凝碧悄無聲焚香古洞

步虛夜露濕松花空月明

小樓

松杉風外亂山青曲几焚香對石屏空憶去年春雨後燕泥時汚太玄經人尚未數昔問景

隨邊使過五原

偶逐星車犯虜塵故鄉常恐到無因五原西去



陽關外日沒平沙不見人

春懷寄秣陵知友

廬江城外柳堪攀  
萬里行人尚未還  
借問景陽臺下客  
謝家誰更卧東山

宋州月夜感懷

雁池衰草露霑衣  
河水東流萬事微  
寂莫青陵臺上月  
秋風滿樹鵲南飛

石倉十二代詩選  
唐卷之八十五 終

石倉十二代詩選

暮晚唐  
高士  
南山出竹青  
明候官曹學佺閱

劉得仁

此風夏夜會同人

沈沈清暑夕  
星斗儼虛空  
岬幘栖禽下  
烹茶玉漏中  
形骸忘已久  
偃仰趣無窮  
自汲泉來漱  
微開密篠風

和厲玄侍御題戶部相公廬山草堂

白雲居創畢  
詔入鳳池年  
林長雙峰樹  
潭分並



歷代詩選 唐 劉禹錫 待作  
寺泉石溪盤鶴外岳室閉猿前柱史題詩後松  
門更蕭然

塞上行作

鄉井從離別窮邊觸目愁生人居外地塞雪下  
中秋雁舉之衡翅河穿入虜流將軍心莫苦向  
此取封侯

宣義亭子

池  
暮色遶高亭南山出竹青夜深斜舫月風定一  
浦有鶴翎此中足吟眺何

用泛滄溟

跡自冬日落駱家亭子

亭臺臘月時松竹見貞姿林積煙藏日風吹水  
合池恨無人此在惟有鶴相窺是景吟詩徧真  
于野客宜水滄

遊崔監丞城南別業

門與青山近青山復幾重雪融皇子岍春澗翠  
微峰地有經冬草林無未老松竹寒溪隔寺晴  
日直聞鐘



寄姚諫議

鳴鞭靜路塵籍籍諫垣臣  
函疏封還密爐香侍  
立親篋多臨水作窗宿卧雲人危坐開塞紙燈  
前起草頻

上張水部

出入門闌久兒童亦有情  
不須將姓字長說向  
公卿每許連牀坐時容金馬行  
恩深轉無語懷  
抱自分明

贈江夏盧使君

詩人中最屈無與使君儔  
白髮雖求退明時合  
見收登山猶自健縱酒可多愁  
好是能騎馬相逢見鄂州

夏日通濟里居酬諸輩見訪

君子遠相尋聯鑣到敝林  
有詩難索和無酒可  
賒斟門列晴峰色堂開古木陰  
何因駐清聽惟恐日西沈

答韋先輩春雨後見寄

風散五更雨鳥啼三月春  
軒窗透初日硯席絕



歷代詩選 唐劉得仁 卷八十六 三  
織塵帝里峰頭出隣家樹色新隣君高且靜有  
句寄閒人

夏日卽事

到曉改詩句四隣嫌苦吟中宵橫北斗夏木隱  
栖禽天地先秋肅軒窗映月深幽庭多此景惟  
恐曙光侵

晚夏

日夕是西風流光半已空山光漸凝碧樹葉卽  
翻紅學淺慚多士秋成羨老農誰憐信公道不

泣路岐中

林榮秋夕卽事

永夕坐暝久瀟瀟猿狖啼漏微砧韻隔月落斗  
杓低危葉無風墜幽禽金樹栖自憐在岐路不  
醉亦沈迷

聽夜泉

靜裏層層石潺湲到鶴林流環出幾洞源遠歷  
千岑寒助空山月清兼此夜心幽人聽達曙相  
和蘚牀吟



池上宿

事事不求奢長吟省歎嗟無才甘世棄有句向誰誇老樹呈秋色空池浸月華涼風白露夕此境屬詩家

宣義池上

脩篁夾綠池幽絮此中飛何必青山遠仍將白髮歸鳥啼亦有恨鷗習總無機樹起秋風息西林磬入微

中秋夜

塵裏兼塵外咸期此夕明一年惟一度長恐有雲生露洗微埃盡光濡是物清朗吟看正好惆悵又西傾

送蔡京東歸迎侍

高堂惟兩別此別是榮歸薄俸迎親遠平時知已稀鄆郊秋木見魯寺夜鐘微近臘西來日多逢霰雪飛

夜携酒訪崔正字

只應芸閣吏知我僻兼愚吟興忘飢凍生涯任



歷代詩選 唐鑑得在 五  
有無慘雲埋遠岫陰吹吼寒株忽起圍爐思招  
携酒滿壺

夏夜會同人

沈沈清暑夕星斗儼虛空岼幘栖禽下烹茶玉  
漏中形骸忘已久偃仰趣無窮自汲泉來漱微  
開密篠風

秋日全僧宿西池

菡萏遍秋水隔林香似焚僧全池上宿霞向月  
邊分渚鳥栖蒲立城砧接曙聞來宵莫他約

此話孤雲

宿韋津山居

承夕見招宿詩書盈草堂靜吟傾美酒高論出  
名場窗颯松篁韻庭兼雪月光心期身未老一  
去泛瀟湘

秋夜喜友人宿

莫話春闈事清宵且共吟頻年遺我輩何日遇  
知音逼曙天傾斗將寒葉墜林無將簪紱意祇  
損壯夫心



廻中夜訪獨孤從事

滿庭霜月魄風靜絕纖聞邊境時無事州城夜  
訪君擁裘聽塞角酌醴話湘雲解佐元戎美風  
流遠迎聞

哭翰林丁侍郎

相知出肺腑非舊亦非親每見雲霄侶多揚鄙  
拙身卽期扶泰運豈料哭賢人應是隨先帝依  
前作近臣

哭鮑容有感

寥落故人宅今來身已亡古苔封墨沼深竹映  
書堂秋色池館靜雨聲雲水涼無因展交道日  
暮剖心腸

題山中故靜禪師

寂滅身何在門人隔此生影懸塵已厚塔種柏  
初成溪院秋先雪山堂古有精當時挂錫劒樹  
老幾枝傾

弔草堂禪師

杖履疑師在房關四壁蛩貯甌經臘水響塔隔



山鐘乳鶴沿苔井齋猿散雪峰如何不見性倚  
徧寺前松

題終南麻先生寂禪師石室

同居石室貧五十二迴春擁褐冥心客窳經暮  
齒人翠沈空水定雨絕片雲新危細秋峰徑相  
隨到頂頻

題吳先生山居

先生此幽隱便可謝人羣潭底見秋石樹間飛  
霽雲山居心已慣俗事耳憎聞念我要多疾開

爐藥許分

送姚處士歸亳州

白髮麻衣破還譙別第迴首垂聽樂淚花落待  
歌杯石路尋芝熟柴門有鹿來明王下徵詔應  
就碧峰開

題王處士山居

茅堂入谷遠林暗絕其隣終日有流水經年無  
到人溪雲常欲雨山洞別開春自得仙家術栽  
松獨養真



曉別呂山人

疎鐘兼漏盡曙色照青氛  
栖鶴出高樹山人歸  
白雲月盈期重宿丹熟約相分  
羨入秋風洞幽  
泉子細聞

宿僧院

禪地無塵夜焚香話所歸  
樹搖幽鳥夢螢入定  
僧衣破月斜天半高河下  
露微翻令嫌白日動  
卽與心違

青龍寺僧院

常多簪組客非獨看高松  
此地堪終日開門見  
數峰苔新禽跡少泉冷樹陰重  
師意如山裏空  
房曉暮鐘

冬日題邵公院

無事關多掩陰階竹拂苔  
勁風吹雪聚渴鳥啄  
冰開樹向寒山得人從瀑布來  
終期天目老擎  
錫逐雲廻

夏日遊慈恩寺

何處浦長日慈恩精舍頻  
僧高容野客樹密絕



囂塵閒上凌虛塔相逢避暑人却愁歸去路馬  
迹並車輪

晚遊慈恩寺

寺去幽居近每來因採薇伴僧行不困臨水語  
忘歸磬動青林晚人驚白鷺飛堪嗟浮俗事皆  
與道相違

送知全禪師南遊

師譽振京城談空萬乘聽北行山已雪南去木  
猶青夜嶽禪銷月秋潭汲動星迴期不可定孤

鶴在高冥

送智玄首座歸蜀中舊山

像教得重興因師說大乘從來悟明主今去證  
高僧蜀國煙霞異靈山水月澄鄉間諸善友似  
喜見南能

送僧歸玉泉寺

玉泉歸故剎便老是心期亂木孤蟬後寒山絕  
鳥時若尋流水去轉出白雲遲見說千峰路溪  
深頂復危



寄樓子山雲樓上人

一室鑿崔嵬危梯疊蘚苔永無塵事到時有至  
人來澗谷冬深靜煙嵐日午開脩身知得地京  
寺未言廻

冬夜寄白閣僧

營營不自息睽澗數年情林下期難遂人間事  
旋生鳥棲寒木迴月映積冰清石室焚香坐懸  
知不爲名

晚步曲江因謁慈恩寺恭上人

豈曰趨名者年年待命通坐令青嶂上興起白  
雲中岬浸如天水林含似雨風南宗猶有碍西  
寺問恭公

憶鶴

自爾歸仙後經秋又過春白雲尋不見紫府去  
無因此地空明月何山伴羽人將期華表上重  
見令威身

昊天觀新栽竹

清風枝葉上山鳥已栖來根別古溝岬影生秋



歷代詩選 唐劉禹錫  
觀苔徧思諸草木惟此出塵埃恨爲移君晚空  
庭更擬栽

初夏題段郎中脩竹里南園

高人遊息處與此曲池連密樹纔春後深山在  
目前遠峰初絕雨片石欲生煙數有僧來宿應  
緣靜好禪

西園

夏圃秋涼入樹低逢幘欹水聲翻敗堰山翠濕  
疎籬綠滑莎藏徑紅連果壓枝幽人更何事日

久與僧期

送姚合郎中任杭州

水陸中分程看花一月行會稽山隔浪天竺樹  
連城候吏齋魚印迎船載旆旌渡江春始半列  
嶼草初生

送周鉞往江夏

東西南北郡自說徧曾遊人世終多故皇都不  
少畱郢城帆過夜漢水月方秋此謁親知去聞  
猿豈解愁



送靈武朱書記

靈師與誰善得君賓幕中從容應盡禮贊畫致  
元功連虜雲長慘纔秋樹半空相如偏自愜掌  
記復乘驄

早春送湘潭李少府之任

柳新春水滑春听草離離祖席觴云盡離人淚  
各垂業文傳不朽作尉豈多時公退琴堂上風  
吹斑竹枝

送越客歸

霜薄東南地江楓落未齊衆山離楚上孤棹宿  
吳西渚客留僧語籠猿失子啼到家冬卽是荷  
盡若耶溪

送河池李明府之任

河池安所理種柳與彈琴自合清時化仍資白  
首吟程餘行片月公退入遙林想得詢民瘼方  
稱單父心

送蔡京侍御赴大梁幕

同城各多故會面亦稀踈及道須相別臨岐恨



歷代詩選 唐劉得仁  
有餘梁園飛楚鳥  
汴水走淮魚  
衆說裁軍檄  
陳琳遠不如

監試蓮花峰

太華萬餘重  
岩堯只此峰  
當秋倚寥泬  
入望似芙蓉  
翠拔千尋直  
青危一朵穠  
氣分毛女秀  
靈有羽人蹤  
倒影侵官路  
流香激廟松  
塵埃終不及  
車馬自憧憧

京兆府試目極千里

獻賦多年客  
低眉恨不前  
此心常鬱矣  
縱目忽

超然送驥登長路  
看鴻入遠天  
古墟煙幕幕  
窮

野草綿綿樹與金  
城接山疑桂水連  
何當開霽

日無物翳平川

公事上姚諫議

高文與盛德  
皆謂古無倫  
聖代生才子  
明庭有

諫臣已瞻龍  
袞近漸向鳳池  
新却憶波濤  
郡來

時島嶼春名  
因詩句大家  
似布衣貧曾  
暗投新

軸頻聞獎滯  
身照吟清夕  
月送藥紫霞  
人終計

依門館何疑  
不化鱗



歷代詩選 唐劉禹錫 書事寄萬年厲員外

帝城皆劇縣令尹美居東遂拜趙張下  
躉離星象中擁歸從北闕送上動南宮  
紫禁黃山遶滄溟素滻通封疆親日月  
邑里出王公賦稅充天府歌謠入聖聰  
土膏寒麥覆人海晝塵蒙廡宇松連翠  
朝街火散紅文場新桂茂粉署舊蘭崇  
留客揮盈爵抽毫詠早鴻前騶潘岳貴  
故里邵平窮勸隱蓮峰久期耕樹谷同  
鳧飛將去葉劒氣尚埋豐何必華陰土  
方垂拂拭功

京兆和段校書冬夕寄題廬山

嘗聞廬嶽頂半入楚江渚幾處懸嵯上  
千尋瀑布垂爐峰松漸瀝湓浦柳參差  
日色連湖白鐘聲拂浪遲煙棹緣薜荔  
岳寺步欹危地本饒靈草林曾出祖師  
石樓霞耀壁猿樹鶴分枝細徑縈巖末  
高窗見海涯嵌空寒更極寂寞夜尤思  
陰谷冰埋木仙田雪覆芝亂泉禪客瀨  
異迹逸人知蘇室新開竈桎渾未了  
碁如何遂閒放長得任希夷



和鄭校書夏日遊鄭泉

太虛懸畏景古木蔽清陰爰有泉堪挹閒思日  
可尋來聞鳴滴滴照竦碧沈沈幾脉成溪壑何  
人測淺深澄時無一物分處歷千林淨漑靈根  
藥涼浮玉翅禽飲疑蠲宿疾見自失煩襟僧共  
雲前瀨龍和月下吟疊光輕吹動澈底曉霞侵  
不用頻遊去冷君少進心

晉閻宿普濟寺

京寺數何窮清幽此不同曲江臨閣北御苑自

牆東廣陌車音急危樓夕景通亂峰沈暝野毒  
暑過秋空幡颺虛無裏星生杳靄中月光籠月  
殿蓮氣入蓮宮綴草涼天露吹人古木風飲茶  
除假寐聞磬釋塵蒙童子眠苔淨高僧話漏終  
待鳴曉鐘後萬井復瞳朧

賦得聽松聲

庭際微風動高松韻自生聽時無物亂盡日覺  
神清強與幽泉金翻嫌細雨并拂空增鶴唳過  
牖合琴聲况復當秋暮偏宜在月明不知深澗



底蕭瑟有誰驚

題從伯舍人道正里南園

帝里餘新第朱門面碧岑  
曙堂增爽氣喬木動清陰  
直去親瑤陛朝迴在竹林  
風流才子調好尚古人心  
薜荔遮窗暗莓苔近井深  
禮無青草隔詩有白衣吟  
軒靜留孤鶴庭虛到遠砧  
掩關裁鳳詔開鏡理瓊簪  
種植今如此塵埃永不侵  
雲奔投刺者日日待爲霖

蘇東尋陳處士山堂

對夕景賦贈劉執事

步溪凡幾轉始得見幽蹤  
路隱千根樹門開萬

仞峰片雲生石竇淺水卧枯松  
窮谷風光冷深

山翠碧濃鶴看空裏過  
仙向坐中逢底露秋潭

水聲微暮觀鐘他年來此定  
異日願相容且喜

今歸去人間事更慵

奉和胡翰林下侍郎禁署早春晴望

御林聞有早鶯聲  
玉檻春香九陌晴  
寒着霽雲歸紫閣  
暖浮佳氣動芳城  
宮池日到冰初解  
輦路風吹草欲生  
鴛侶此時皆賦詠  
商山雪在思



偏清

山中尋道人 不遇

年過弱冠風塵裏常擬隨師學鍊形石路特來  
尋道者雲房空見有仙經碁于松底畱殘局鶴  
向潭邊退數翎便欲此居閒到老先生何日下  
青冥

憶鶴

白絲翎羽丹砂頂曉度秋煙出翠微來向孤松  
枝上立見人吟苦却高飛

老宮人

白髮宮娃不解悲滿頭猶自插花枝曾緣玉貌  
君王寵準擬人看似舊時

村中閒步

閒其野人臨野水新秋高樹挂清暉不知塵裏  
無窮事白鳥雙飛入翠微

別山居

萬壑千巖景象開登臨未足又須回憑師莫斷  
松間路秋月圓時弟子來



贈道人

長在城中無定業  
賣丹磨鏡兩途貧  
三山來往尋常事  
不省曾驚市井人

石倉十二代詩選

新發春風唐卷之八十七

晚唐

明候官曹學佺閱

各趙嘏

字承祐  
山陽人

未飽書齋雪後

蘇玉容風謝水何必

擁褐坐茅簷  
春晴喜初日  
微風入桃徑  
爽氣歸縹帙  
頻時苦風雪  
就景理巾櫛  
樹暖高鳥來  
窗閑曙雲出  
鄉遙路難越  
道寒時易失  
欲靜又不

能東山負芝朮

五武賦斷藻采何

容經無錫縣醉後吟

雲霞未雨何



歷代詩選 唐趙胡

客過無名姓扁舟繫柳陰窮秋南國淚殘日故  
鄉心京洛衣塵在江湖酒病深何須覓陶令乘  
醉自橫琴

東歸道中二首景野中嶽樹對高島來

平生事行役今日始知非歲月老將至江湖春  
未歸傳家有書籍主祭用儒衣何必勞知己無  
名亦息機

其二

未明喚僮僕江上憶殘春風雨落花夜山川驅

馬人星星一鏡髮草草百年身此日念前事滄

洲情更親

旅次商山

役役依山水何曾似問津斷崖如避馬芳樹欲

留人日夕猿鳥伴古今京洛塵一枝甘已失惆

悵故園春

贈越客

故國波濤隔明時心久留獻書雙闕晚看月五  
陵秋南棹何當返西江憶共遊定知釣魚伴相



望在汀洲

送友人鄭州歸觀

為有趨庭戀應忘  
道路賒風消榮澤凍  
雨靜圃田沙古陌  
人來遠遙天雁勢斜  
園林新到日春酒酌  
梨花

送權先輩歸觀信安

衣絲獨歸去一枝  
閑更香馬嘶芳草渡  
門掩百花塘野色  
亭臺晚灘聲枕簟涼  
小齋松島上重拂  
讀書牀

洛中逢盧郢石歸觀

不堪俱失意相送出  
東周緣切倚門戀  
倍添為客愁春山  
和雪靜寒水帶冰流  
別後期君處靈原  
紫閣秋

宿靈巖寺

明月溪頭寺蟲聲滿  
橘洲倚欄香逕晚  
移石太湖秋樹老  
雲歸盡臺荒水更流  
無人見惆悵獨上  
最高樓

越中寺居



唐詩選 卷八十七

遲客疎林下斜溪小艇通野橋連寺月高竹半  
樓風水靜魚吹浪枝閒鳥下空數峰相向綠日

夕郡城東

長洲

扁舟殊不繫浩蕩路纔分范蠡湖中樹吳王苑  
外雲悲心人望月獨夜雁離羣明發還驅馬關  
中見日曛

題昭應王明府溪亭

靖節何須彭澤逢菊洲松島水悠落行人自折

門前柳高鳥不離溪畔峰曉涓度簷帆的的晚  
原舍雨樹重重軒車過盡無公事枕上一聲長

樂鐘

題杜侍御別業

紫陌煙多不可尋南溪酒熟一披襟山當畫枕  
石牀穩泉落夜窗秋樹深白首逢人羞問計青  
雲何路覓知音惟君懷抱閒如水終日門墻許

醉吟

泊鳧磯江館

唐詩選

卷八十七

山



風雪晴來歲欲除孤舟晚下意何如月當軒色  
 湖平後雁斷雲聲夜起初傍晚管絃何處靜犯  
 寒楊柳遶津疎三間茅屋東溪上歸去生涯竹  
 與書

發剡中

正懷何謝俯長流更覽餘封識嵯州樹色老依  
 官舍晚溪聲涼傷客衣秋南樓氣爽橫郭郭天  
 姥雲晴拂寺樓日暮不堪還上馬蓼花風起路  
 悠悠

西峰卽事獻沈大夫

松竹閒遊道路身衣襟落盡往來塵山連謝宅  
 餘霞在水映琴溪舊浪春拂榻從容今有地酬  
 恩寂寞久無人安知不及屠沽者曾對青萍淚

滿中

寄淮南幕中劉員外

郎官何遜最風流愛月憐山不下樓三佐戎旃  
 換朱紱一辭蘭省見清秋桂生巖石元瀟灑鶴  
 到煙空更自由休向西齋久閒卧滿朝傾蓋是



依劉

淮信賀滕邁台州

凋民思太古風上賢綏緝副宸衷舟移清鏡

禹祠北路轉翠屏天姥東旌旆影前橫竹馬詠

歌聲裏樂樵童遙知到郡滄波晏三島離離一

望中

寄潯陽趙校書

簾下秋江夜影空倚樓人在月明中不將行止

問朝列惟脫衣裳與釣翁幾處別巢悲去燕十

年回首送歸鴻那應更結廬山社見說心閒勝

遠公

贈李從貴

白馬嘶風何處還鞭稍拂地看南山珠簾捲盡

不回首春色欲闌休閉關花外鳥歸殘雨暮竹

邊人語夕陽閑知君舊隱嵩雲下巖桂從今幾

更攀

下第寄宣城幕中諸公

過眼寧愁五色迷暫陪歡笑醉如泥黃花李白



墓前草碧浪桓燹宅後溪九月霜中隨計吏十  
年江上灌春畦莫言春盡不惆悵自在閒眠到  
日西

洞庭寄所思

目斷蘭臺空望歸錦衾香冷夢來稀書中空有  
刀頭約天上頻看破鏡飛孤浪漫疑施粉黛輕  
雲忽似舞羅衣遙知不語坐相憶寂莫洞房寒  
燭微

代人贈杜牧侍御

郎作東臺御史時妾長西望歛雙眉一從詔下  
人皆羨豈料恩衰不自知高闕如天縈曉夢華  
筵似水隔秋期坐來情態猶無限更向樓前舞  
柘枝

山陽卽席獻裴中丞

早年天上見清塵今日樓中醉一春暫肯剖符  
臨水石幾曾焚筆動星辰瓊臺雪映迢迢鶴蓬  
島波橫浩浩津好是仙家羽衣使欲教垂涕問  
何人



寄歸

三年踏盡化衣塵，只在長安不見春。  
馬過雪街天未曙，鄉迷關路淚空頻。  
桃花塢接啼猿樹，野竹庭通畫鷁津。  
早晚相酬身事了，水邊歸去一閒人。

閒人

山別四韻

和令狐補闕春日獨遊西街

左掖初辭近侍班，馬嘶尋得過街閒。  
映鞭柳色微遮水，迎步花枝欲礙山。  
暖泛鳥聲來席上，醉從詩句落人間。  
此時失意哀吟客，更覺風流不

可攀

飛燕首韻

答友人

詩家才子酒家仙，遊宦曾依積水邊。  
窗戶動搖三島樹，琴樽安穩五湖船。  
羅浮道士分瓊液，錦席佳人艷楚蓮。  
今日相逢朗吟罷，滿城砧杵一燈前。

九日陪越州元相宴龜山寺

佳晨何處泛花遊，丞相筵開水上頭。  
雙影旒搖山雨霽，一聲歌動寺雲秋。  
林花靜帶高城晚，湖



歷代詩選 唐詩  
色寒分半檻流共賀萬家逢此節可憐風物似  
荆州

李侍御歸山同宿華嚴寺

家有青山近玉京風流柱史早知名園林手植  
自含綠霽漢眼看當去程處處白雲迷駐馬家  
家紅樹近流鶯相逢一宿最高寺夜夜翠微泉  
落聲

旅館聞雁別友人

路遶秋塘首獨搔背羣燕雁正呼號故關何處

重相失碧落有雲終自高旅宿去緘他日恨單  
飛誰見此生勞行衣濕盡千山雪腸斷金籠好  
羽毛

東晉寒食新豐別友人

一百五日家未歸新豐鷄犬獨依依滿樓春色  
傷人醉半夜雨聲前計非繚繞溝塍含綠晚荒  
涼樹石向川微東風吹淚對花落憔悴故交相  
見稀

送令狐郎中赴郢州



佐幕才多始拜侯，一門清賞動神州。  
 秦雲斷野旆晴翻，郢樹秋幾處塵生。  
 隨候騎半江帆盡見，分流大馮罷相吟。  
 詩地莫惜頻登白，雪樓朝半交雨。  
 送張文新除温州，縣大國外外識對春。  
 東晉江山稱永嘉，莫辭紅旆向天涯。  
 凝絃夜醉松亭月，歇馬曉尋溪寺花。  
 地與剡川分水石，境將蓬島共煙霞。  
 却愁明詔徵非晚，不得秋來見海槎。  
大槎欲言雲從自高水官去蘇州日外軍

送剡客

兩重江外片帆斜，數里林塘遶一家。  
 門掩右軍餘水石，路橫諸謝舊煙霞。  
 扁舟幾處逢溪雪，長笛何人思柳花。  
 若到天台洞陽觀，葛洪丹井在雲涯。  
白雲同郵巷去人冬美賦長思

送盧緘歸揚州

曾向雷塘寄掩扉，荀家燈火有餘輝。  
 關河日暮望空極，楊柳渡頭人獨歸。  
 隋苑荒臺風裊裊，灞陵殘雨夢依依。  
 今年春色還相悞，為我江邊謝



釣磯

送李蘊赴鄭州因獻盧郎中

僕射陂西想到時  
滿川晴色見旌旗  
馬融閒卧  
笛聲遠  
王粲醉吟樓影移  
幾日賦詩秋水寺  
經年草詔白雲司  
惟君此去人多羨  
却是恩深自不知  
人思賦亦苦  
隨天古

送韓絳歸淮南寄韓綽先輩

島上花枝繫釣船  
隋家宮畔水連天  
江帆自落  
鳥飛外  
月觀靜  
依春色  
邊門巷  
草生車轍在朝

廷恩及雁行  
聯相逢  
且問揚州事  
曾鼓莊盆對

逝川

重遊楚國寺

往事飄然竟不回  
空餘山色在樓臺  
池塘風暖  
雁羣去  
松檜樹高人  
獨來莊叟著書真  
達者賈生揮涕信悠哉  
老僧心地閒于水  
猶被流年白髮催

早發剡中法堂寺

暫息勞生一夕間  
平明世事又相關  
吟辭宿處



煙霞古身負秋來水石閒竹戶半開鐘未絕松  
枝微霽鶴初還明朝一倍堪惆悵迴首塵中見  
此山

三像寺酬元秘書

字校芸香閣署蓬可憐詩句落春風偶然坐待  
水聲裏還許醉吟松影中車馬照來紅樹合煙  
霞詠盡翠微空不因高寺閒回首誰識飄零一  
塞翁

贈天卿寺神亮上人

幾看春盡此江濱花自飄零日自曛空有慈悲  
隨物念已無蹤跡在人羣迎秋日色簷前見入  
夜鐘聲竹外聞笑指白蓮心自得世間煩惱是  
浮雲

題崇聖寺簡雲端僧錄

暮雲飄盡客愁長來扣禪關月滿廊宋玉逢秋  
空雪涕淨名無地可容牀高雲覆檻千巖樹踈  
磬含風一夜霜迴首故園紅葉外只將多病告  
醫王



歷代詩選 唐起胡 卷八十七  
越中寺居寄上主人

野寺初客訪靜來晚晴江上見樓臺中林有路  
到花盡一日無人看竹迥自曬詩書經雨後別  
留門戶爲僧開苦心若是酬恩事不敢吟春憶  
酒盃

送僧歸廬山

禪棲忽憶五峰遊去着方袍謝列侯花啓樓臺  
千葉曙錫含風雨一枝秋題詩石峻侵雲在洗  
鉢泉香覆菊流却憶前年別師處馬嘶殘月虎

溪頭

降虜

廣武城邊降虜稀一聲寒角怨金微河湟不在  
春風地歌舞空裁雪夜衣鐵馬半嘶邊草去狼  
煙高映塞鴻飛揚雄尚白相如吃今日何人從  
獵歸

長安晚秋

雲物淒涼拂曙流漢家宮闕動高秋殘星幾點  
雁橫塞長笛一聲人倚樓紫艷半開籬菊靜紅



衣落盡渚蓮愁鱸魚正美不歸去空戴南冠學  
楚囚

齊安早秋

流年堪惜又堪驚砧杵風來滿郡城高鳥過時  
秋色動征帆落處暮雲平思家正羨江南景聽  
角仍含塞北情此日沾襟念岐路不知何處是  
前程

東望

楚江橫在草堂前楊柳洲邊載酒船兩見梨花

歸不得每逢寒食一潛然斜陽映閣山當寺微  
綠含風樹滿天同郡故人攀桂盡把詩吟向沈

寥天

長安月夜與友人話故山

宅邊秋水浸苔磯日日持竿去不歸楊柳風多  
潮未落蒹葭霜在雁初飛重嘶疋馬吟紅葉却  
聽疎鐘憶翠微今夜秦城滿樓月故人相見一  
沾衣

題橫水驛雙峰院松



故園溪上雪中別野館門前雲外逢  
 白髮漸多何事苦清陰  
 長在好相容迎風幾拂朝天騎  
 帶月猶含度嶺鐘更憶葛洪丹井畔  
 數株臨水欲成龍

登安陸西樓

樓上華筵日日開  
 眼前人事祇堪哀  
 征車自入紅塵去  
 遠水長穿綠樹來  
 雲雨暗更歌舞伴  
 山川不盡別離杯  
 無由併寫春風恨  
 欲下郎城首重回

經漢武泉

芙蓉苑裏起清秋  
 漢武泉聲落御溝  
 他日江山映蓬鬢  
 二年楊柳別漁舟  
 竹間駐馬題詩去  
 物外何人識醉遊  
 盡把歸心付紅葉  
 晚來隨水向東流

歲暮江軒寄盧端公

積水生高浪長風自北時  
 萬艘俱擁棹上客獨吟詩  
 路以重湖阻心將小謝期  
 渚雲愁正斷江雁重驚悲  
 笑憶遊星子歌尋罷貴池  
 夢來孤島



歷代詩選 卷八十七  
在醉醒百憂隨戎迥煙生晚江寒鳥過遲問山  
樵者對經雨釣船移敢歎今畱滯猶勝曩別離  
醉從陶令得善必大人知道蹇才何取恩深劔  
不疑此身全听柳只待變寒枝

東坡經郭汾陽宅

門前不改舊山河破虜會輕馬伏波今日獨經  
歌舞地古槐疎影夕陽多

芙蓉發青山館

鳧鷖聲煖野塘春鞍馬風高驛路塵一宿青山

又須去古來難得是閒人

仙娥驛

谿上郵亭氣早秋樹邊溪色遶牀流行人亦羨  
郵亭吏生向此中今白頭

江上晚泊

茫茫靄靄失西東柳浦桑村處處同戍鼓一聲  
帆影盡水禽飛起夕陽中

度商山晚靜

和如春暖靜如秋五月商山是勝遊當晝火雲



生不得一溪分作萬重流

南亭

孤亭影出亂花中  
悵望無人此醉同  
聽盡暮鐘猶獨坐  
水邊襟袖起春風

南園

雨過郊原綠尚微  
落花惆悵滿塵衣  
芳樽有酒無人共  
日暮看山還獨歸

寄遠

禁鐘聲盡見樓禽  
關塞迢迢故國心  
無限春愁

莫相問落花流水洞房深

尋僧

溪戶無人百鳥飛  
石橋橫木挂禪衣  
看雲日暮倚松立  
野水亂鳴僧未歸

宮鳥栖

宮鳥栖處玉樓深  
微月生簷夜夜心  
香輦不回花自落  
春來空佩辟寒金

長信宮

君恩已盡欲何歸  
猶有殘香在舞衣  
自恨身輕



不如燕春來長繞御簾飛香玉環  
自別良

廣陵城

紅映高臺綠繞城城邊春艸傷牆生  
隋家不向此中盡汴水應無東去聲

冷日過驪山

冷日微煙渭水愁翠華宮樹不勝秋  
霓裳一曲千門鎖白盡梨園弟子頭

下第後歸永樂里自題二首

無地無媒只一身歸來空拂滿牀塵  
尊前盡日

誰相對惟有南山侶故人

玄髮侵愁忽似翁暎塵寒袖共東風  
公卿門戶不知處立馬九衢春影中

臨映出試日獨遊曲江人

江莎漸暎花邊綠樓日自開池上春  
雙鶴繞空來又去不知臨水有愁人

風雨題曹娥廟百早晴人

青娥薶沒此江濱江樹颼颼慘暮雲  
文字在碑碑已墮波濤辜負色絲文



歷代詩選 唐起 卷八十七 六

題段氏中臺

看山臺下水無塵碧篠前頭曲水春獨對一樽  
風雨夜不知家有早朝人

華州座中獻盧給事

送迎皆到三峰下滿面煙霜滿馬塵自是追攀  
認知己青雲不假送迎人

贈欽州妓

濼濼橫波思有餘庾樓明月墮雲初揚州寒食  
春風寺看徧花枝盡不如

奉和贈王明府

五柳逢秋影漸微陶潛戀酒不知歸但存物外  
醉鄉在誰向人間問是非

望海呂校書雨中見訪

竹閣斜谿小檻明惟君來賞見山情馬嘶風雨  
又歸去獨聽子規千萬聲

詠山千秋嶺下

知有巖前萬樹桃未逢搖落思空勞  
無人見三十六谿春水高

歷代詩選 唐起 卷八十七 二



無人重陽日寄韋舍人高

節過重陽菊委塵江邊病起杖扶身不知此日

龍山會誰是風流落帽人

又補發新安後途中寄盧中丞

晚樹蕭蕭促織愁風簾似水滿牀秋千山不礙

笙歌月誰伴羊公上夜樓

補贈五老韓尊師吳非

有客齋心事玉晨對山鬚髮綠無塵住山道士

季如鶴應識當時五老人 唐卷之八十七 終

石倉十二代詩選 唐卷之八十八

非晚唐人 且數留幸崇明候官曹學佺閱

王真白 字有道 信州人 景收呈羅我對曹與風望

長安道 平貴舖戲文墨雜回未肯臨

曉鼓人已行暮鼓人未息榜航萬國來爭先貢

金帛不問賢與愚但論官與職如何貧書生苦

獻安邊策

洛陽道

喧喧洛陽陌奔走爭先步惟恐着鞭遲誰能更



歷代詩選 唐王貞白  
迴顧覆車雖在前  
潤屋何曾懼賢哉  
只二疏東門挂冠去

放歌行

南渡洛陽津西望十二樓  
明堂坐天子月朔朝諸侯  
清樂動千門皇風被九州  
慶雲從東來泱泱抱日流  
昇平貴論道文墨將何求  
有詔徵草澤微誠將獻謀  
冠冕如星羅拜揖曹與周  
望塵非吾事入職且遲留  
幸蒙國士識自脫負薪裘  
今者放歌行以慰梁甫愁  
位榮數斗祿奉義本

豐羞願得金膏遂飛雲亦可籌

擬塞外征行

寇騎滿雞田都護欲臨邊  
青泥方絕漠懷劔始辭燕  
旌旗挂龍虎壯士募鷹鷂  
長城威十萬高嶺奮三千  
行行向馬邑去去指祁連  
鼓聲遙斥塞兵氣遠衝天  
對陣雲初上臨城月始懸  
風驚烽易滅沙暗馬難前  
恩重恒思報心勞屢損年  
微功一可立身輕不自憐

田舍曲



古今利名路只在儂門前至老不離家一生常  
 晏眠牛羊晚自歸兒童戲野田豈思封侯貴惟  
 只待豐年征賦豈辭苦但願時官賢官府苟貪  
 濁田舍生憂煎

少年行

遊讌不知厭杜陵狂少年花時輕暖酒春服薄  
 裝綿戲馬上林苑鬪雞寒食天魯儒甘被笑對  
 策髮皤然

其二

弱冠投邊急驅兵夜渡河追奔鐵馬走殺虜寶  
 刀訛威靜黑山路氣合清海波常聞爲突騎天  
 子賜長戈

長門怨

葉落長門靜苔生永巷幽相思對明月獨坐向  
 空樓鳳吹終難轉蛾眉祇自愁昭陽歌舞伴此  
 夕未知秋

湘妃怨

舜欲省蠻陬南巡非逸遊九疑沈白日二女泣



歷代詩選 唐王貞白  
滄洲目極楚雲斷恨深湘水流至今聞鼓瑟咽  
絕不勝愁

古悔從軍行

憶昔仗孤劔十年從軍威論兵親玉帳逐虜過  
金微隴水秋先凍關雲暝不飛辛勤功業在麟  
閣志多違恐

有所思

芙蓉出水時偶爾便分離自此無因見長教挂  
所思殘春不入夢芳信欲傳誰寂寞秋堂下空

吟小謝詩

出塞

玉殿論兵事君王詔出征新除羽林將曾被月  
支兵慣歷塞垣險能分部落情從今一戰勝不  
使虜塵生

出自薊北門行

薊北連極塞寒色晝冥冥戰地骸骨滿長時風  
雨腥沙河流不定春草凍難青萬戶封侯者何  
謀靜虜庭



塞上曲

歲歲但防虜西征早晚休匈奴不繫頸漢將但  
封侯夕照低烽火寒笳咽戍樓燕然山上字男  
子見須羞

又

誰唱關西曲寂寞夜景深一聲長在耳萬恨重  
經心調古清風起曲終涼月沈却應筵上客未  
必是知音

曉泊漢陽渡

落月臨古渡武昌城未開殘燈明市井曉色辨  
樓臺雲自蒼梧去江從嶓冢來芳洲號鸚鵡用  
記禰生才

隨計

徒步隨計吏辛勤髮易凋歸期無定日鄉思美  
迴潮冒雨投前驛侵星過斷橋何堪穆陵路霜  
葉更瀟瀟

宮池產瑞蓮

雨露及萬物嘉祥有瑞蓮香飄鷄樹近榮占鳳



歷代詩選 卷八十八 五  
池先聖日臨雙麗恩波照金妍願同指佞草生  
向帝堯前

金陵懷古

恃險不種德興亡歎數窮石城幾換主天塹謾  
連空御路疊民塚臺基聚牧童折碑猶有字多  
記昔英雄

經故洛城

下世何久遠由來仰聖明山河徒自壯周召不  
長生幾王崇姦諂諸侯事戰爭但餘崩壘在今

古共傷情

金陵

六代江山在繁華古帝都亂來城不守戰後地  
多蕪寒日隨潮落歸帆與鳥孤興亡多少事回  
首一長吁

秋日旅懷寄右省鄭拾遺

永夕愁不寐草蟲喧客庭半窗分曉月當枕落  
殘星鬢髮遊梁白家山近越青知音在諫省苦  
調有誰聽



贈劉凝評事

棘寺官初罷梁園靜掩扉春深顏子巷花映老  
萊衣談史曾無滯攻書已造微卽膺新寵命稱  
慶向庭闈

御溝水

一帶御溝水綠槐相蔭清此泉涵帝澤無處濯  
塵纓鳥道來雖險龍池到自平朝宗本心切願  
向急流傾

商山

商山名利路夜亦有人行四皓卧雲處千秋疊  
蘚生晝煙籠澗黑殘雪隔林明我待酬恩了來  
聽水石聲

終南山

千山凝黛色今古滿長安地去王都近人謀隱  
遁難水穿諸苑過雪照一城寒爲問紅塵裏誰  
同駐馬看

廬山

嶽立鎮南楚雄名天下聞五峰高闕日九疊翠



歷代詩選 唐王貞白  
連雲夏谷水猶在陰巖豈不分惟應嵩與華清  
峻得爲羣

送友人南歸

南國菖蒲老知君憶釣船離京近殘暑歸路有  
新蟬峴首白雲起洞庭秋月懸若教吟興足西  
笑是何年

送馬明府歸山

辭秩入匡廬重脩靖節居免遭黃綬束空與白  
雲踈送吏各獻酒羣兒自擔書到時看瀑布爲

我謝清虛

嫩葉送韓從事歸本道

獻捷靈州倅歸時寵拜新論邊多稱旨許國誓  
亡身馬渴黃河凍雁回青塚春到蕃惟足戰應  
不肯和親

雲居長老

巘路躡雲上來叅出世僧松高半巖雪竹覆一  
溪水不說有爲法非傳無盡燈了然方寸內應  
祇見南能



折楊柳

校枝交影鎖長門嫩色曾沾雨露恩鳳輦不來  
春欲盡空留鶯語到黃昏

其二

水殿年年占早芳柔條風裏御爐香如今萬乘  
多巡狩輦路無陰綠草長  
嫩葉初齊不耐寒和寒時拂玉欄干征人去日  
曾攀折泣雨傷春翠黛殘

日聶夷中

字坦之  
河東人

公子行

漢代多豪族恩深益驕逸走馬踏殺人街吏不  
敢詰紅樓宴青春數里望雲蔚金缸焰勝晝不  
畏落暉疾美人盡如月南威莫能疋芙蓉自天  
來不向水中出飛瓊奏雲和碧簫吹鳳質惟恨  
魯陽死無人駐白日

勸酒

白日無定影清江無定波人無百年壽百年復



如何堂上陳美酒堂下列笙歌與君入醉鄉醉  
鄉樂天和歲歲松柏茂日日丘陵多君看終南  
山萬古青峩峩

其二

灞上送行客聽唱行客歌適來橋下水已作渭  
川波人間榮樂少四海別離多但恐別離淚自  
成苦水河勸爾一杯酒所贈無餘多

飲酒樂

日月似有事一夜行一周草木猶須老人生得

無愁一飲解百結再飲破百憂白髮欺貧賤不  
入醉人頭我願西江水盡向杯中流安得阮步  
兵同入醉鄉遊

短歌行

八月木陰薄十葉三墮枝人生過五十亦已同  
此時朝出東郭門嘉樹鬱參差暮出西郭門原  
草已離披南隣好臺榭北隣善歌吹榮華忽銷  
散四顧令人悲生死與榮辱四者乃常期古人  
耻其名沒世無人知



題賈氏林泉

市朝束名利林泉繫清通豈知黃塵內迥有白  
 雲蹤輕流逗密篠直榦入穹空高吟五君詠疑  
 對九華峰我知種竹心欲扇清涼風我知決泉  
 意將明濟物功有琴不張絃衆星列梧桐須知  
 澹泊聽聲在無聲中地非樵者路武陵又何逢  
 祇慮迷所歸池上日西東

人稱過比干墓西水盡山城中

殷辛帝天下厭為天下尊乾綱既一斷賢愚無

二門佞是福身本忠作喪已源日影不入地下  
 埋冤死魂余來過此鄉下馬弔此墳靜念君臣  
 間有道誰敢論

早發鄴北經古城

微月東南明雙牛耕古城但耕古城地不知古  
 城名當昔置此城豈料今日耕蔓草已離披狐  
 兔何縱橫秋雲零落散秋風蕭條生對古良可  
 歎念今轉傷情古人已冥冥今人又營營不知  
 馬蹄下誰家舊臺亭



贈農

勸爾勤耕田盈爾倉中粟勸爾無伐桑減爾身上服清霜一委地萬草色不綠狂風一飄林萬葉不着木青春如不耕何以自拘束

客有進歎後時者作詩勉之

後達多晚榮速得多疾傾君看構大厦何曾一日成在爓須在桑在飽須在耕君子貴弘道道弘無不亨太陽垂好光毛髮悉見形我亦二十年直似戴盆行荆山產美玉石石皆堅貞未必

盡有玉玉且間石生精衛一微物猶恐填海平

秋夕

日往無復見秋堂暮仍學玄髮不知白曉入寒銅覺爲材未離羣有玉猶在璞誰把碧桐枝刻作雲門樂

哭劉駕博士不賦

出門四顧望此日何徘徊終南舊山色夫子安在哉原野多丘陵纍纍如高臺君墳雖數尺誰能與之偕



送友人歸江南

皇州五更鼓月落西南維此時有行客別我孤  
舟歸上國身無主下第誠可悲

訪嵩陽道士不遇

先生五岳遊文焰滅金鼎日下鶴過時人間空  
落影常言一粒藥不隨死生境何當列禦寇去  
問仙人請

鳥夜啼

眾鳥各歸枝烏烏爾不棲還應知妾恨故向綠

窗啼

古別離

欲別牽郎衣問郎遊何處不恨歸來遲莫向臨  
邛去

裴說

馬上行

極目望空濶馬羸程又賒月生方見樹風定始  
無沙楚水辭魚窟燕山到雁家如斯名利役爭  
不老天涯



漢南郵亭

高閣水風清開門日送迎帆張獨鳥起樂奏大  
魚驚驟雨拖山過微風拂面生閒吟雖得句留  
此謝多情

裴過洞庭湖

浪高風力大挂席亦言遲及到堪憂處爭如未  
濟時魚龍侵莫測雷雨動須疑此際無聊賴將  
何寄所思

旅中作

行路非不厭其如飢與寒投人言去易開口到  
貧難澤國雲千片湘江竹一竿時明未忍別猶  
待計窮看

旅次衡陽

欲往幾經年本來意豁然江風長借客嶽雨不  
因天戲鷺飛輕雪驚鴻叫亂絃晚秋紅藕裏十  
宿寄漁船

春早寄華下同人

正是花時節思君寢復興市沽終不醉春夢亦



歷代詩選 唐詩 卷八十八 四  
無憑岳面懸青雨河心走濁冰東門車馬路離  
恨鎮相仍

寄曹松

莫見苦吟遲吟遲髮亦絲平生憂不足五字病  
難醫山暝雲橫處星稠月側時冥搜不可得惟  
有夜猿知

贈賓貢

惟君懷至業萬里信悠悠路向東溟出書從北  
關投家無一夜夢帆掛隔年秋髮髮爭禁得孤

舟往復愁

信苦中秋月

一歲幾盈虧當盈重此期幸無偏照處剛有不  
明時色淨雲歸早光寒鶴睡遲相看吟未足皎  
皎下疎籬

來翰對雪

大片空舞出門肌骨寒路岐平卽易溝壑滿  
應難兔穴歸時失禽枝宿處乾豪家寧肯厭五  
月畫圖看



夏日卽事

僻居門巷靜竟日坐階墀鵲喜還逢信蛩吟不見詩筍抽通舊竹梅墜立閒枝此際無塵繞僧來稱所宜

冬日後作

寂寞掩荆扉昏昏坐欲癡事無前定處愁有併來時日影纔添線髭根已半絲明庭正公論應許苦心詩

冬日作

糲食擁敗絮苦吟吟過冬稍寒人却健太飽事多慵樹老生煙薄牆陰貯雪重安能只如此公道會相容

終南

九衢南面色蒼翠絕纖塵寸步有閒處百年無到人禁林寒對望太華遠相親誰數羣峰徧煙籠瑞靄頻

華山上方

獨上上方頂立高聊稱心氣衝雲易白影落縣



歷代詩選 唐裴諒 卷八十八 詩  
多陰有雪草不死無風松自吟會當求大藥他  
日復追尋

廬山瀑布

靜景憑高望光分疊嶂開日飛空際雪暑退伏  
中雷過去雲衝斷匆來燒隔迴何當住峰下終  
歲絕塵埃

與會不出院僧

四遠叅尋徧脩行却不行屐中無片跡門外是  
前生塔見移來影鐘聞過去聲一齋長默坐應

笑我營營

水雲道林寺

獨立凭危欄高低落照間寺分一派水僧鎖半  
房山對面浮世隔垂簾到老閒煙雲與塵土寸  
步不相關

空景兜率寺

水與天無極高連雲夢南僧居跨鳥道佛影照  
漁潭朽枿雲斜映平蕪日半涵行行不得住迴  
首望煙嵐



鹿門寺

鹿門山上寺突兀盡無塵到此脩行者應非取  
次人鳥過驚石磬日出礙金身何計生煩惱虛  
空是四隣

題岳州僧舍

喜到重湖北孤舟橫晚煙鷺銜魚入寺鷓接飯  
隨船松檜君山迥菰蒲夢澤連與師吟論處秋  
水浸遙天

牡丹

數朶欲傾城安同桃李榮未曾貧處見不似地  
中生此物疑無價當春獨有名遊蜂與胡蝶來  
往自多情

詠鸚鵡

常貴西山鳥銜恩在玉堂語傳明主意衣拂美  
人香緩步尋珠網高飛上畫梁長安頻道樂何  
日從君王

鷺鷥

秋江清淺時魚過亦頻窺却為分明極翻令所



歷代詩選 唐裴諒  
得遲浴俛紅日色棲壓碧蘆枝會共同鷓侶翺  
翔應可期

日發薔薇

一架長條萬朵春嫩紅深綠小窠勻只應根下  
千年土曾葬西川織錦人

春日石中竹

數竿蒼翠若龍形峭拔須教此地生無限野花  
開不得半山寒色與春爭  
岳陽兵火後題僧舍

十年兵火真多事再到禪扉却破顏惟有兩般  
燒不得洞庭湖水老僧閒

石倉十二代詩選

唐卷之八十八 終



歷代詩選

唐詩選

卷





